

RESOLUCIÓN REITORAL POLA QUE SE ESTABLECE A OFERTA DE PRAZAS DE COMPLEMENTOS FORMATIVOS PREVIOS Á HOMOLOGACIÓN DE DETERMINADOS TÍTULOS ESTRANXEIROS PARA O CURSO 2022-2023.

No artigo 16 do Real Decreto 967/2014, do 21 de novembro, polo que se establecen os requisitos e o procedemento para a homologación e declaración de equivalencia a titulación e a nivel académico universitario oficial e para a validación de estudos estranxeiros de educación superior, e o procedemento para determinar a correspondencia aos niveis do marco español de cualificacións para a educación superior dos títulos oficiais de arquitecto, enxeñeiro, licenciado, arquitecto técnico, enxeñeiro técnico e diplomado, regúlanse os requisitos formativos complementarios que as persoas interesadas deberán superar con carácter previo á homologación dun título estranxeiro de educación superior.

Na Orde ECD/2654/2015, de 3 de decembro, do Ministerio de Educación, Cultura e Deporte, ditáronse as normas para o desenvolvemento e aplicación do Real Decreto 967/2014, do 21 de novembro, no que respecta aos procedemento para a homologación de títulos estranxeiros de educación superior.

Nesta orde ministerial regúlase o seguinte:

Artículo 10. Libre elección de Universidad.

Una vez comunicada al interesado la correspondiente resolución por la que se condiciona la homologación de su título extranjero a la previa superación de complementos formativos, aquel podrá dirigirse a la universidad española que libremente elija y que tenga implantados los estudios conducentes a la obtención del título español que de acceso a la profesión regulada a la se refiere la homologación, para solicitar la realización de los requisitos formativos complementarios, a través de alguna de las fórmulas indicadas en la resolución.

Artículo 11. Posibilidad de opción entre requisitos.

Cuando la resolución que se dicte permita más de un mecanismo para la superación de los requisitos formativos complementarios, la opción por uno de ellos le corresponderá al interesado de entre las posibilidades ofertadas por las Universidades. Esta opción podrá modificarse libremente, aunque ello no afectará, en ningún caso, al plazo máximo de seis años en que debe producirse la superación de los requisitos formativos complementarios, de acuerdo con el artículo 16.5 del Real Decreto 967/2014, de 21 de noviembre.

Para a aplicación destas disposicións normativas, a Universidade de Santiago de Compostela (USC) regulou mediante Resolución Reitoral do 15 de novembro de

2019 a realización dos requisitos formativos complementarios para a homologación de títulos estranxeiros.

Nestes últimos anos produciuse na USC un incremento substancial de solicitudes para avaliar a superación dos requisitos formativos complementarios previos á homologación de títulos estranxeiros, concretamente no caso dos graos en Farmacia e en Odontoloxía, o que dificulta que se poidan atender con criterios de calidade todas as solicitudes presentadas tendo en conta que os recursos docentes dos que se dispón son limitados. Por esta razón, os equipos directivos da Facultade de Farmacia e da Facultade de Medicina e Odontoloxía, centros nos que se imparten as mencionadas titulacións, puxeron de manifesto a necesidade de que se adopten medidas para adaptar a oferta de complementos formativos nestes graos á capacidade da que dispoñen para poder asumila, tanto no relativo ao número de prazas como ás modalidades de probas.

En consecuencia, esta **REITORÍA RESOLVE:**

Primeiro. Establecer a seguinte oferta para verificar no curso académico 2022/23 o cumprimento de requisitos formativos complementarios previos á homologación de títulos estranxeiros aos graos en Farmacia e en Odontoloxía:

Grao en Farmacia:

- Cursos tutelados: 12 prazas
- Proba de aptitude: 3 prazas

Grao en Odontoloxía:

- Proba de aptitude: 60 prazas

A proba de aptitude para o Grao en Odontoloxía poderá organizarse de xeito coordinado coas demais universidades españolas que imparten estes estudos.

Segundo. As prazas adxudicaranse pola orde de entrada das solicitudes. Quen non supere os requisitos no curso académico 2022/23 e desexe matricularse en cursos posteriores terá que volver solicitar praza.

Terceiro. A presentación da solicitude deberá realizarse no prazo establecido para estes efectos na convocatoria de matrícula do curso académico 2022/23, a través do seguinte formulario electrónico:

<https://sede.usc.es/sede/publica/catalogo/procedemento/59/ver.htm>

Cuarto. Para os demais estudos conducentes a titulacións oficiais de grao que dan acceso a profesións reguladas en España non se establecen limitacións específicas.

Disposición final.

Esta Resolución entrará en vigor o día seguinte da súa publicación no Taboleiro de Anuncios.

O reitor

Antonio López Díaz

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

Sinatura dixital / Firma digital / Digital signature

Asinante/Firmante/Signer: ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA,
26/07/2022 10:36:38.

CSV: 7DA9-A709-4A50-BE96